

SASTANAK U GRADSKOJ UPRAVI GRADA MOSTARA

18.02.2025 07:54



Direktor Federalne uprave za geodetske i imovinsko-pravne poslove gosp. Željko Obradović, pomoćnik direktora gosp. Sead Hadžić i stručna savjetnica gđa Slađana Lozančić održali su sastanak sa gradonačelnikom Mostara gosp. Mariom Kordićem i njegovim saradnicima. Na sastanku su učestvovali i direktor kantonalne geodetske uprave gosp. Ivan Lesko, pomoćnik gosp. Adelko Krmek i rukovodilac zemljišnoknjižnog ureda u Mostaru gosp. Meadin Balavac.

Glavna tema sastanka je bila trenutni status realizacije projekata i aktivnosti sektora zemljišne administracije na teritoriju grada Mostara. Usaglašavanje katastarskih i zemljišnoknjižnih podataka se realiziraju u 12 katastarskih općina sa posebnim naglaskom na gradske katastarske općine Mostar I i Mostar II. Dogovoren je da se dodatnim upošljavanjem zemljišnoknjižnih referenata nastoji završiti ovaj proces do kraja godine kako bi se naredne godine moglo započeti sa procesom usaglašavanja podataka za ostala područja grada Mostara.

Krenulo se i sa označavanjem kućnih brojeva i uspostava adresnog registra će se u koordinaciji gradske uprave, kantonalne i federalne geodetske uprave nastojati uspostaviti u što skorije vrijeme. Proces izlaganja podataka premjera i katastarskog klasiranja je završen za katastarsku općinu Dobrč a proces se nastavlja za ostala neizložena područja. Uspostava katastra komunalnih uređaja je također u toku.

Istaknuto je zadovoljstvo sa pokrenutim aktivnostima sektora zemljišne administracije na području grada Mostara ali je potrebno sve aktivnosti dodatno ubrzati uz kapacitiranje gradskih službi i jaču koordinaciju sa kantonalnom i federalnom geodetskom upravom.

